



Broj: 04/5-03/11-05-1-609-15/18
Sarajevo, 24. 4. 2018.

PREDMET: Posjeta članova Delegacije PSBiH u PSNATO-a i Komiteta za odbranu i sigurnost i Potkomiteta za odbrambene sposobnosti i budućnost sigurnosti Parlamentarne skupštine NATO-a Republici Srbiji, Beograd, 19. 4. 2018. godine

Nikola Lovrinović, predsjedavajući, i Asim Sarajlić, član Delegacije PSBiH u PSNATO-a, zajedno s članovima Komiteta za odbranu i sigurnost i Potkomiteta za odbrambene sposobnosti i budućnost sigurnosti Parlamentarne skupštine NATO-a (PSNATO) razgovarali su 19. 4. 2018. u Beogradu s Anom Brnabić, premijerkom Republike Srbije, nakon čega su posjetili Komandu Riječne flotile kopnene vojske sa sjedištem u Novom Sadu.

Premijerka Ana Brnabić je tokom sastanka upoznala goste s aktuelnom političkom i ekonomskom situacijom u Republici Srbiji, odnosima Republike Srbije sa NATO-om, kao i s tokovima regionalne saradnje. Premijerka Brnabić naglasila je značaj dobrih odnosa među zemljama u regionu Zapadnog Balkana, te dodala da se Srbija, u duhu dobrosusjedstva, želi dodatno angažirati na unapređenju svih oblika saradnje, posebno na planu ekonomije.

Posebno se razgovaralo o politici vojne neutralnosti Republike Srbije, koja, kako je rekla premijerka Brnabić, ne predstavlja smetnju za saradnju s NATO-om, ali ni sa zemljama koje nisu članice Alijanse.

U okviru boravka u Srbiji, članovi PSNATO-a posjetili su Komandu Riječne flotile Kopnene vojske Srbije u Novom Sadu. Tokom posjete komandant Riječne flotile Kopnene vojske Srbije kapetan bojnog broda Andrija Andrić sa saradnicima upoznao je goste s misijom, zadacima i aktivnostima u odbrani teritorije i plovnih puteva, te podrške civilnim vlastima u slučaju prirodnih nepogoda, industrijskih i drugih nesreća. Za goste iz PSNATO-a u luci Novi Sad izvedena je i pokazna vježba mogućnosti Riječne flotile.

Predsjedavajući Delegacije
Nikola Lovrinović